

Қазақстан Республикасы
Үкіметінің
2026 жылғы « 24 » маусымдағы
№ 542 қаулысына
қосымша

Қазақстан Республикасы
Үкіметінің
2025 жылғы 31 желтоқсандағы
№ 1203 қаулысымен
бекітілген

Тегін медициналық көмектің кепілдік берілген көлемі және міндетті медициналық сақтандыру шеңберінде, сондай-ақ орфандық және әлеуметтік мәні бар ауруларды емдеу үшін дәрілік заттарды импорттау кезінде қосылған құн салығынан босатуды қолдану қағидалары

1-тарау. Жалпы ережелер

1. Осы Тегін медициналық көмектің кепілдік берілген көлемі және міндетті медициналық сақтандыру шеңберінде, сондай-ақ орфандық және әлеуметтік мәні бар ауруларды емдеу үшін дәрілік заттарды импорттау кезінде қосылған құн салығынан босатуды қолдану қағидалары (бұдан әрі – Қағидалар) Қазақстан Республикасы Салық кодексінің 479-бабы 1-тармағының 17) тармақшасына сәйкес әзірленді және дәрілік заттарды:

1) тегін медициналық көмектің кепілдік берілген көлемі (бұдан әрі – ТМККК) және міндетті медициналық сақтандыру (бұдан әрі – МӘМС) шеңберінде;

2) Қазақстан Республикасы Денсаулық сақтау министрінің 2020 жылғы 20 қазандағы № ҚР ДСМ-142/2020 бұйрығымен (нормативтік құқықтық актілерді мемлекеттік тіркеу тізілімінде № 21479 болып тіркелген) бекітілген орфандық аурулардың және оларды емдеуге арналған дәрілік заттардың (орфандық) тізбесіне енгізілген орфандық ауруларды емдеу үшін;

3) Қазақстан Республикасы Денсаулық сақтау министрінің 2020 жылғы 23 қыркүйектегі № ҚР ДСМ-108/2020 бұйрығымен (нормативтік құқықтық актілерді мемлекеттік тіркеу тізілімінде № 21263 болып тіркелген) бекітілген әлеуметтік мәні бар аурулардың тізбесіне енгізілген әлеуметтік мәні бар ауруларды емдеу үшін импорттау кезінде қосылған құн салығынан (бұдан әрі – ҚҚС) босатуды қолдану тәртібін айқындайды.

2. Осы Қағидалар Қазақстан Республикасы Салық кодексінің 503-бабы 2-тармағының 1) тармақшасына сәйкес дәрілік заттарды импорттаған жағдайда қолданылмайды.

2-тарау. Қосылған құн салығынан босатуды қолдану тәртібі

3. «Халық денсаулығы және денсаулық сақтау жүйесі туралы» Қазақстан Республикасының Кодексі 251-бабының 1-тармағына сәйкес әкелінген дәрілік заттардың импортын ҚҚС-дан босату:

1) фармацевтикалық немесе медициналық қызметке арналған лицензия;

2) орфандық және әлеуметтік мәні бар ауруларды емдеуге арналған дәрілік заттарды қоспағанда, Қазақстан Республикасы Денсаулық сақтау министрінің 2023 жылғы 7 маусымдағы № 110 бұйрығымен (нормативтік құқықтық актілерді мемлекеттік тіркеу тізілімінде № 32733 болып тіркелген) бекітілген ТМҚКК шеңберінде, тергеу изоляторлары мен қылмыстық-атқару (пенитенциарлық) жүйесінің мекемелерінде ұсталатын адамдар үшін медициналық көмектің қосымша көлемін бюджет қаражаты есебінен және (немесе) МӘМС жүйесінде дәрілік заттарды, медициналық бұйымдарды және арнайы емдік өнімдерді сатып алуды, фармацевтикалық көрсетілетін қызметтерді сатып алуды ұйымдастыру және өткізу қағидаларына сәйкес жасалған дәрілік заттарды жеткізу шарты;

3) осы Қағидаларға қосымшаға сәйкес нысан бойынша жасалған орфандық және әлеуметтік мәні бар ауруларды емдеуге арналған дәрілік заттарды қоспағанда, импорттаушының ТМҚКК және МӘМС шеңберінде әкелінетін дәрілік заттардың, фармацевтикалық субстанциялардың және дәрілік заттар балк-өнімдерінің нысаналы пайдаланылуы туралы міндеттемесі;

4) тіркелген дәрілік заттарды импорттау кезінде Қазақстан Республикасының заңнамасына немесе Еуразиялық экономикалық одақтың актілеріне сәйкес берілген дәрілік заттарды тіркеу куәлігі;

5) тіркелмеген дәрілік заттарды импорттау кезінде «Дәрілік заттар мен медициналық бұйымдарды Қазақстан Республикасының аумағына әкелу және Қазақстан Республикасының аумағынан әкету және «Қазақстан Республикасында тіркелген және тіркелмеген дәрілік заттар мен медициналық бұйымдарды әкелуге (әкетуге) келісім және (немесе) қорытынды (рұқсат беру құжатын) беру» мемлекеттік қызмет көрсету қағидаларын бекіту туралы» Қазақстан Республикасы Денсаулық сақтау министрінің 2020 жылғы 8 желтоқсандағы № ҚР ДСМ-237/2020 бұйрығына (нормативтік құқықтық актілерді мемлекеттік тіркеу тізілімінде № 21749 болып тіркелген) сәйкес берілген рұқсат беру құжаты болған жағдайда қолданылады.

4. Қазақстан Республикасының аумағында өндіру мақсатында пайдаланылатын дәрілік субстанциялардың және дәрілік заттар балк-өнімдерінің импортын ҚҚС-тан босату:

1) дәрілік заттарды өндіруге арналған қызметтің кіші түрімен бірге фармацевтикалық қызметке лицензия;

2) осы Қағидаларға қосымшаға сәйкес нысан бойынша жасалған орфандық және әлеуметтік мәні бар ауруларды емдеуге арналған дәрілік заттарды қоспағанда, импорттаушының ТМҚКК және МӘМС шеңберінде әкелінетін дәрілік заттардың, фармацевтикалық субстанциялардың және дәрілік заттар балк-өнімдерінің нысаналы пайдаланылуы туралы міндеттемесі болған жағдайда қолданылады.

5. Қазақстан Республикасының Цифрлық кодексі 64-бабының 3-тармағына сәйкес «цифрлық үкіметтің» цифрлық объектілерінде мемлекеттік органдардың ақпараттық өзара іс-қимылы кезінде алуға болатын құжаттар мен мәліметтерді өнім берушіден жинауға және талап етуге жол берілмейді.

6. Өнім беруші саны мен көлемдерін көрсете отырып, ТМҚКК және МӘМС шеңберінде, сондай-ақ орфандық және әлеуметтік мәні бар ауруларды емдеуге арналған дәрілік заттар үшін тауардың жеке декларациясын толтырады.

7. Қосылған құн салығынан босатылатын дәрілік заттарды импорттау кезінде құжаттарды беру және оларды кеден органдарының қарау тәртібі Еуразиялық экономикалық одақтың және (немесе) Қазақстан Республикасының кеден заңнамасына сәйкес айқындалады.

8. Өнім беруші осы Қағидалардың 5-тармағында көрсетілген тауарларды Қазақстан Республикасындағы медициналық, фармацевтикалық қызметке сәйкес келмейтін мақсатта пайдаланған, сондай-ақ тауарларды Қазақстан Республикасының аумағынан одан әрі әкеткен кезде (кері экспорттың кедендік рәсімінде әкетуді қоспағанда) осындай тауарларды кедендік тазарту кезінде төленбеген ҚҚС Еуразиялық экономикалық одақтың және (немесе) Қазақстан Республикасының салық заңнамасына немесе кеден заңнамасына сәйкес бюджетке төленуге тиіс.
